

莆

陽

文

獻

重刻莆陽文獻序

嘗覽宇內郡志風教

固殊人文間值莆邑

濱海何獨與鄒魯比

稱以名賢足多故也

由梁陳迄宋元迨我  
明興百餘年間弘治郡  
志所載詳且悉矣第  
文獻闕焉弗脩嘉靖  
甲申少司馬山齋鄭

公始任其責觀其自  
序史筆之難乃不徇  
物情參與論而品隲  
之允矣一郡之典刑  
萬世之實錄也壬戌

倭變書燬無傳給諫  
黃雨石君家藏一部  
重鋟而布之予少愛  
是書常置案頭每一  
展卷則忠孝清恬之

操宏博明徹之詞在  
在得師即千古英躔  
六經芳潤恍然時覲  
面焉五十年来所欲  
尋繹而不能致者一

旦重邁譬隋珠和璧  
離而復合于霄照乘  
神采煥然其欣快何  
如蓋山川靈氣發洩  
於人文者積數百年

得司馬而其盛始傳  
奇書秘寶神物護持  
又越數十年得給諫  
而其傳始久鄭黃家  
學淵源最號長遠梁



陳間讀書於衆人未  
讀書之時者南湖鄭  
恩叟先生也唐貞元  
間吾鄉已有舉進士  
者乃若文章名家為

莆初祖則御史黃文  
江先生也編錄者司  
馬則鄭先生後重興  
耆給諫則黃先生後  
揔之克繩顯祖章往

昭來有功於維世均  
也觀人者於其所發  
而所存可知子貢曰  
進賢賢哉子亦曰錄  
賢賢哉山齋公直氣

勁節

天子嘉之曰貞臣林貞  
肅公以元老而亟推  
重其品可想也兩石  
慷慨有大志嘗請于

朝復革除統紀謚仗節  
諸臣真可以扶植名  
教林居嗜學戶外事  
若浼惓惓先哲表章  
文獻與昔日疏彭惠

安公改謚盖不勝高  
山仰止思矣今

天子久道化成莆縉紳  
聯翩蔚起道德勲業  
當有不媿前修者文

章抑其餘耳予老年  
自揣謏陋久荒筆研  
特嘉兩石是舉僭掇  
數言并以伸吾黨興  
復之志云

萬曆四十四年歲次  
丙辰孟秋朔旦鳳山  
九十一樵人原湖侯  
清書



莆陽文獻序

莆文物起於隋興於唐而尤盛於宋海濱鄒魯至今  
焉而紀述遺缺紹熙時始有軍志洪武時始有事述  
郡志弘治時也文獻之脩尚缺千百年光嶽之氣彙  
鍾于元人者爲道德爲節槩爲勲烈文章爲四儒道  
學以茂贊皇猷輝發聖蘊如景星卿雲轉瞬而消滅  
以盡其不深可慨與然有甚難者夫記誦弗博則搜  
校漏遺升落無章亦準量決擇有所未至重以叅愛  
惡其間與欲借隻詞而不遂者則吠聲曉曉市虎三  
告故退之不作史子瞻病文選無法而文鑑去取亦

大樵於晦翁事述郡志同撰自相訾訾文獻之筆其  
未易操也乃以累吾鄭公山齋取立齋手錄祭以諸  
家遺文并述志而類萃之人取其尤事取其最詩文  
取其純整無畔道后峰間商校必東士遠間刪削焉  
閱數歲始克就編屬余爲序余未見成書要自公出  
賢者也三君子又賢者也書固足信矣第不知有仁  
隻詞不遂否乎吠聲之屬其不謂終無也道也者求  
諸我爾矣盡不盡吾知之信不信又胡從而知之同  
馬遷史記雄向稱良史才子由兄弟德疎漢病焉抑  
無害遷也纂輯定監戒昭爲莆立赤幟今之視宋猶

宋人之視唐人也人文之盛有大書特書不一書者  
矣

嘉靖甲申十月旣望見素林俊書于雲庄青野

莆陽文獻後序

莆之地始闢于秦至漢武帝以其阻險易變也盡徙其民而墟之晉亂中原衣冠避地而南於是有所謂八姓入莆者自後徙居日益衆休養衍庶進齒上國然當其時人猶未知學也吾祖南湖露公始以其學倡之歷唐而宋遂有海濱鄒魯之稱浸淫至於今日盛亦極矣歷代既久遺文散落顧未有蒐綴而會粹之用備一郡之典豈非大缺事歟鄉望見素林公松蘿方公暨后峰伯固嘗相與閔惜因授沒於予俾從事焉眇焉謏陋大懼弗任爰考郡乘所列諸家著述

甚多求之今惟忠惠文軒後村三四遺集在其散見  
文粹文鑑諸書者僅數篇雖當代近裔亦或併其先  
世手澤而亡之可嘆也已立齋宋公嘗手錄先輩遺  
文六冊得以爲據若藏處所編岡鳳集則又病其太  
濫於是更加延訪採擇閱數歲始克成編凡詩賦銘  
贊序記題跋若雜著奏議之類列爲若干卷庶幾其  
可傳者旣又仰而嘆曰文以載道也文不本於道藝  
焉爾矣而深於道者固不屑於文也文可獨傳乎哉  
廼復取郡乘所載人物事蹟略加芟潤且爲補遺參  
用班馬氏義例類編爲傳若勲德若文學若忠孝廉

惠之類列爲若干卷其家庭之濟美師友之淵源或  
寒畯而特起班班可攷以是而參校夫文上下數百  
年間山川宇宙之精英庶於是乎具噫亦盛矣魯穆  
叔謂太上立德其次立功其次立言後世所就要不  
能如古然擅其一長亦足名世而垂之不朽况兼之  
乎鄉邦前哲後進軌範有志尚友者不於是而求之  
將不謂東家丘者類歟或曰子之輯是其用心亦動  
矣若倚撫星宿而遺義娥得燕石輒以爲璞又寧不  
爲是輯病歟予曰唯唯是謏陋之罪也然失今不錄  
其後益至於泯滅無傳矣輯之弗善固猶愈於已乎

若夫因略致詳由祖致精搜補缺漏而正其訛謬使  
吾邦文獻永永足徵固將有待於後之君子

嘉靖四年歲在乙酉夏四月朔鄉晚學山齋鄭岳謹  
書

重刻莆陽文獻後序

夫自文獻名立而郡國皆  
藉以爲重自三不朽說起  
而文獻又以次第分馬班  
列傳若天人治安諫獵長  
楊皆因人附文豈當時重



在廣川雒陽而文采歲穉  
即當盧投閣亦不以其故  
廢傳也迨後漢於列傳之  
外別加文苑南齊又易以  
文學然文苑則以狂疾禰  
正平與至孝黃文彊并稱

惟傳其事不錄其文而文學則游夏所得與於聖統者亦令飲酒不羈之靈鞠放誕任氣之檀超厠名其間獻乎文乎合則爲馬班分則爲後漢南齊互有得

失甚哉文獻之名重而文  
獻之實未易敷也吾鄉

鄭司馬山齋公輯郡內梁

陳至今著作凡十三卷又

取名公事蹟爲列傳七十

四卷名曰莆陽文獻公清

嚴雅望謇諤孤忠冠冕朝  
紳羽儀世道而是書尤其  
所自任爲鄉邦折衷者蒐  
采鑑衡殫心極慮商訂三  
氏數歲始成列傳俟之馬  
班而文非合標文殊於後

漢而傳非分其有玄珠久  
沉於赤水五色尚存於丹  
穴則或論世而闕其文或  
因文而紀其名議論義例  
較之前史且什伯蓋已陋  
長卿子雲更何有正平而

下乎真可謂一郡大觀千  
年勝事矣然而龍所欲起  
公於九原而與之相質正  
者則以翁諫議錯趾梁庭  
徐著作脩潤道史林侍講  
梯榮策答皆宋立齋公所

責備侍御楊朝重林貴實  
二公風采凜然則彭惠安  
公所心折者并不載其諫  
草而林只附傳林克全侍  
御故尤難解林艾軒黃四  
如二先生以經學知名林

易解尚書語錄雖云煨燼  
然其說詩論語猶見於趙  
子直宋去華李泉州簡牘  
黃四書六經講章爛然日  
星郭孝子祠記墓表尤禪  
風教胡均未得表章豈公



於林之去取別自有見而  
於黃未覩其集與大抵是  
書銓次有方琳瑯會粹惟  
翼經之作猶缺疏議不能  
無漏若增以林黃窮理楊  
林奏事諸篇令鄉邦得覩

續聖正脉經

國讜謨質諸古立言之旨庶  
幾不朽公如可作也且然  
龍言乎哉嗟夫人材難得  
千里比肩比屋可封元愷  
爲倡莆獻彬彬流光史冊

則南湖講學實濬其源後  
進聞風久而彌奮道德勲  
烈節槩至宋益盛我

朝教化翔洽諸名公項背相  
望不但以文章頡頏宇內  
故其時風俗學宗經官賀

貧冠三加昏擇耦喪闋佛  
祭用飭酒尚玄服疏布士  
大夫躬行於上庶人則效  
於下地不大曹滕俗已幾  
鄒魯昔人所稱諒非溢美  
自

國初百五十年則鄭山齋公  
脩文獻時矣再五十年則  
柯希齋公續文獻時矣再  
四十餘年則今日矣文明  
蔚起紳珮聯翩時勢漸趨  
河流東注撫今追昔同有

維風之責者安得不爲是  
廩廩故論文獻雖不敢妄  
意夸父之逐日論風俗亦  
未必爲杞人之憂天矣是  
書遭嘉靖壬戌兵燹僅存  
一部龍思歷代人文之盛

懼鄭公手澤之湮遂付剖  
劖以廣其傳因述所聞  
國初風俗以竢夫好古挽回  
之君子謹叙

萬曆四十四年歲次丙辰  
孟秋下澣鄉後學黃起龍

書于印水之恬養軒



莆陽文獻凡例

一 文獻獨名莆陽者本莆口之地古名莆中舉莆則仙遊興化二縣可兼之矣

一 採輯詩文以年代為先後作者姓名各列本題之下有傳者則曰見本傳或附見某傳無傳者則詳其字號爵里

一 詩文散在翰墨全書等書及各家譜牒者尚多製作未工亦不盡錄此錄嘗經黃后峰朱必東陳士遠三君子商確去留期以垂遠

一 歐陽四門本泉州人讀書于莆子孫遂為莆人

今泉州已梓行其文此不復入

一人物列傳府志各分門類今用班馬例取其大槩相類者合為一傳或各為一傳

一仙遊興化人物各自為傳傳首必書某縣人其不書者皆莆人也

一府志人物或父子兄弟散見各門今系而書之亦史家法也

一府志人物各有論斷今不暇錄觀者自當參考一府志之脩距今二十餘年矣賢哲繼謝尚未及載今作補遺凡十六傳

重校文獻紀略

是書字多亥豕板漫刼灰既授重錄爰加勘訂如  
鄭昇之孫可復林大有之子甯龍傳作鄭孫林雷  
此訛之大者業已改正林誠附林正傳失於標目  
亦已增補餘悉仍舊惟附刻

鄭山齋公傳此係

柯希齋公特筆公沉詣卓識不輕許人者讀斯傳亦  
可論鄭公之世已

萬曆丙辰孟秋東里黃起龍謹識

甯陽文獻目錄

卷之一

賦二首

卷之二

五言古詩二十八首

卷之三

七言古詩二十六首

卷之四

五言律詩五十一首

卷之五

七言律詩七十三首

卷之六

五言絕句五首

七言絕句二十首

卷之七

銘二篇

箴五篇

贊一篇

雜著三篇

說四篇

傳一篇

題跋十五篇

論辯三篇

祭文六篇

卷之八

書啓十二篇

卷之九

序文二十首

卷之十

序文四十八首

卷十一

記十五首

卷十二

記二十四首

卷十三

奏議三十篇

列傳共七十四

傳之一

鄭露

弟莊叔

傳之二

林蘊

父坡兄藻

傳之三

林贊

傳之四

黃璞

黃滔

傳之伍



許稷

徐寅

傳之六

翁承贊

傳之七

鄭良士

子元弼

楊在堯

傳之八

陳靖

父仁璧

孫惟德

從孫中復

傳之九

蔡襄

弟高

孫傳伸

佃

曾孫楠

樞

琳

沈

傳之十

傳楫

從子權 稱龍 從孫

傳佇

子汶 洪 從孫 誠 大藏

傳十一

余象

朱紱

子宗

陳次升

傳十二

方儀

黃君俞

黃隱

黃穎

吳世延

林緒

徐復

方漸

鄭伯生

方惟深

傳十三

方慎言

從陳廷 孫通 曾孫

方慎從

陳侗

子彥恭

徐確

子師仁 壽仁

方偕

林積仁

林之平

傳十四

方峻

子士寧 子容 元宗 孫絢 曾孫略 翁 玄孫來 壬

方嶠

子齊 牛 完 宙 從孫會 曾孫士錄

傳十五

余祖與

子武剛

黃琮

黃彥輝

吳公誠

李特正

孫探

蘇燁

弟棧 棧孫漬

林伸

黃宣

傳十六

鄭濟

方廷實

王晞亮

曾孫太中

傳十七

潘慎修

李欣

李德昭

陳鶴

附游籍

傳十八

林宋卿

曾孫有之

蘇欽

子洸孫權

王回

陳開

陳覺民

林豫

子師益師說

傳十九

葉賓

從子確確曾孫立志

陳闡

林正

子鳴

姪二為孫澄

陳可大

傳二十

張式

許稹

郭琪

許懋

陳大卞

子顯仁

黃沔

洪天賦

從弟處厚

朱泳

陳熹烈

陳珙

傳二十一

方次彭

從弟公衮 從子亞夫

林迪

陳惟剛

從弟師立 師立子昭度

黃鐘

董公偃

傳二十二

薛利和

孫儵 曾孫琛 珩 珩曾孫季良

陳鑄

林成材

吳珏

鄭廷芬

謝洪

傳二十三

陳俊卿

子宇 定 必 從孫均

傳一十四

葉顥 兄顥孫棠從曾孫大有

傳二十五

龔茂良

傳二十六

鄭僑 子寅

傳二十七

林光朝 姪成季

劉夙 子彌正彌邵孫克莊 劉朔

子起駒孫希仁

陳士楚 黃芻 卓先

傳二十八

鄭厚 鄭樵

傳二十九

鄭可學

鄭耕老

鄭獻翁

黃士毅

方大壯

子東叔 姪符

孫蒙仲

曾孫公權

黃補

黃績

子仲元

傳三十

張弼

林象

林肅

余元一

林礎

鄭鼎新

謝升賢

傳三十一

方信孺

傳三十二

陳居仁

子卓

宋棐

從子藻藻之孫

林圻

傳三十三

方太琮

子廣孫

吳叔告

李丑父

丁伯桂

世甫一

林彬之

傳三十四

王邁

陳謹

祖驥父望弟諒

丘真

孫微之

許巽

余崇龜

傳三十五

姚宗之

薛元鼎

子鸞

傳三十六

黃公度

翁黠

黃艾

陳煒



傳三十七

許搏

歐陽直卿 王浣

方應發

傳三十八

鄭昇

晉可復

茅知至

林大有

子雷龍

陳高

蔣雖

尤彬

陳冲飛

陳之亮

傳三十九

方秉白

子卓鳴

方汝一

林大霖

柯夢得

趙庚夫

余謙一

鄭鉞

傳四十

陳文龍 陳瓚

傳四十一

林冲之

子郁從子震霆

阮駿

陳淬

宋旅

方喜

林興宗

卓得慶

傳四十二

鄭勲

陳吉老

子希造孫沂

傳四十三

薛奕

林子立

陳自仁

傳四十四

郭義重

四世孫道卿

徐膺

彭受

龔埴

鄭襄

劉洵直

吳稟

傳四十五

陳亨運

傅孝明

郭濟

黃郁

許天麟

傳四十六

吳興

李宏

李富

林國鈞

方祐

傳四十七

陳旅

鄭杓

朱文選

顏長卿

黃方子

傳四十八

陳紹叔

劉有定

方德至

林以辯

傳四十九

吳源

傳五十

林圭

陳賢子淮

傳五十一

方徵

林仕敏

林長懋

傳五十二

陳繼之

陳彥回

傳五十三

林環

姪思承

楊慈

傳五十四

黃壽生

子子嘉

陳用

陳道潛

傳五十五

陳中

方澥

李廷修

王偉

傳五十六

鄭雲

林時

方鯉

鄭述

余耀

何誠

林和

傳五十七

林文

陳音

傳五十八

柯潛

吳希賢

傳五十九

翁世資

傳六十

陳俊

傳六十一

彭韶

傳六十二

楊琅

吳智

黃璉

方守

林漢

傳六十三

林岳

黃謙

顧文

族十五裔

方熙

周瑩

始軫

林庭芳

傳六十四

曾景修

黃英

孫願

林永齡

林智

鄭循初

林大猷

林祥

陳璲

陳鉞

傳六十五

鄭紀

傳六十六

黃譽

嚴淦

朱寬

方珪

林正

牛成同傳

傳六十七

林元甫

吳繹思

楊瓚

傳六十八

鄭照

顧元

陳燮

陳遷

傳六十九

周瑛

黃仲昭

宋端儀

祖勸公汝勤

傳七十

鄭瑗

黃瀾

陳仁

吳仲珠

傳七十一

方樸

郭完

伍衡

黃約仲

吳稔

朱煜

子煜

傳七十二



林長清 林淮

傳七十三

李苾 陳睿傑 劉閔

傳七十四

陳茂烈 黃鞏

傳七十五

鄭岳

見續文獻  
今增入

莆陽文獻卷之一

兵部左侍郎山齋鄭岳編定

南京吏科給事中後學黃起龍重校梓

賦

娼娃宮賦

以驚上空蒙色  
施碧草為前

黃洎 見本傳

吳王歿地兮吳國蕪城故宮莫問兮故事難名門外  
飛其玉弩座中委其金觥舞榭高臺朝為宮而暮為  
沼英風霸業古人失而今人驚想夫桂殿中橫蘭房  
內創丹楹刻楠之殊制釳砌文軒之詭狀如從渤澥  
徙蓬闕於人間若自瑤池落珠宮於地上繡柱雲楣

飛蛟伏螭基高鬱律鈎楯參差碧樹之珍禽夏語綠  
窓之端景冬曦吳王乃波伍相輦西施珠翠族來居  
玉堂而頽洞笙簧擁出登綺席以逶迤觸物窮奢含  
情愈惑欲移楚峽於雲際擬鑿殷池於檻側花顏縹  
緲欺樹裏之春光銀焰焚煌郤城頭之曙色殊不知  
敵國來攻攢戈耀空虎怒而拏平雉堞雷訇而擊碎  
簾櫳甲馬萬蹄卷飛塵而滅沒瓊樓百尺爆紅燼之冥  
濛悉由脩袖舞殃朱唇唱隙瑤堦而便作泉壤玉楚  
而旋成蘚石恨留山鳥啼百卉之春紅愁寄壠雲鎖  
四天之暮碧悲夫往日層構茲辰古壕香逕而同歸

寂寂稽山而杳自高高遺堵塵空幾踐群遊之鹿滄  
洲月在寧消怒濁之濤已而西日恣恣東波浩浩松  
楸而駢作荒塹車馬而輾通長道彼雕牆峻宇之君  
宜監丘墟於茂草

蠹賦

劉克莊

見本傳

余旣倦遊退老于鄉五畝之園手自鉏荒封植群木  
位置衆芳桃柳易蕃次則海棠密密踈踈稍已著行  
曾不數年類為物戕疑此三者盛於春陽如人蚤達  
理不得長橙袖冬實而華絕香梅至高寒桂尤堅剛  
俄亦復然不可測量余靜觀之樹固如常忽有小竅

僅若鍼鉞浸淫不止穿穴其傍叩之空空望之憧憧  
其拂簷出屋者可伐而薪叅天合抱者可拔而偃也  
余周行四顧嘆息徬徨客曰嘻有蠹蟲焉爲樹之殃  
先齧其心伏於膏肓如人內潰發爲疽瘍以小喻大  
可得而詳由身言之蛾眉伐性豹胎腐腸尸蟲胛睡  
諛於上蒼雖有老彭化爲小殤由天下國家言之鼠  
食郊牲雀耗太倉群狐隳城聚螳決防眇綿不察以  
至敗亡毒身也天下國家也皆未免有蠹子徒憂樹  
之枯朽而不憂身之危脆與天下國家之趨於季漢  
末唐是謂小智見哂大方有佳禽焉擇木深藏性尤

憎蠹求索皇皇且鳴且啄或集或翔醜類蕃滋莫損  
毫芒譬之精衛欲填瀾茫力微黨孤抱志未償曾不  
如傍邑之種橘者用功甚簡歲歲大穰千林凍皸萬  
顆弄黃主人深居初不下堂命挑蠹者以時掃攘視  
蠹所在猶探諸囊雖索萬株無一天傷余矍然起謝  
曰古有所謂貫虬之射手承蜩之痴僂客所稱道非  
若人否幸客介余往造其宇同載而歸北面學圖

莆陽文獻卷之二

五言古詩

題將軍岩

蔡襄

見本傳

赤日正亭午解衣品石下石泉殊甘涼野籟亦蕭洒  
驚猿度嶺雲遺果墜庭瓦披軒忽求嘆幽抱不可寫

題夾漈草堂

鄭僑

見本傳

杪秋尋遠山幽懷鬱冲冲草堂跨層崖夕陽山影空  
高人辭天祿結交杖藜翁遊氛暗九土歲晚余曷從  
冷冷夾漈水謾謾長松風思之不可見淚落秋雲中

寺中別林謙之兼寄詩郎

方翥

見本傳

遊從忘朝晡尊酒輕招呼笑語恣玩狎翻覆雲雨殊  
我友數君子古心相與娛每見輒賓敬衣裳儼而趨  
惡石寓規誡美疾佞諛深山足風雨零落梅花株  
亭亭岩上松霜姿一何孤感茲各努力勿以歲事徂

送別湖北漕李秘監仁甫

蘇

林光朝

見本傳

文字眇煙雲過眼徒浩浩所有未見書惜哉吾已老  
子雲客長安陳迹一如掃同叔向來人我生苦不早  
白玉來西崑一見自應好縱譚百代前至竟非枯槁  
黃鶴有高樓恍如事幽討覽轡逢道州聽書下下考  
周南勿留滯掇拾供史藁分手重酸辛璠璣衆所寶



十日不得面何為太草草

紫極宮誦李白詩及坡谷和篇因念蘇李聽竹  
時各年四十九今予五十九矣遂次其韻

劉克莊

翰林兩仙人偶來聽風竹蕭蕭玉千竿采采綠一掬  
少時負不群中歲乃見獨嗟予長十年所至戀三宿  
徑當還笏歸奚俟揲著卜夜郎與僇耳老大曾往復  
宜州殿其後路險車又覆山中採芝去舍下炊梁熟  
次韻寄太乙宮上官師晉 陳旅

見本傳

端居感流序階樹日撼撼涼風起高城上有南飛翮

楊雄不微名拓落猶遠客美矣陶徵君飲裳去彭澤  
我居城東南西北有珠庭病久曠冲賞懷哉松桂青  
曩倩諒奇士夙受火珠經雲河滌秋夕泰時明三星  
題楊顯民采詩卷後 前人

夢游洞庭野斜月映疎星軒后來張樂伶倫吹鳳笙  
夢回憶其音幽眇有餘清截竹學向人世人不聽  
南州有高士洗耳臥巖扃涼風鳴松林石澗響琤琤  
何日即與語曠焉千古情

原範吟

劉有定

見本傳

天地不愛寶出此圖與書至哉百奇耦誨我何勤渠

十為夫婦始九為君臣初龜龍發天蹟萬化皆權與  
禹圖順而實義盡逆以虛知來豈損益數往寧乘除  
皇極即太極合散由卷舒云胡三代下誠緯徒紛拏  
太玄用躋羸潛虛置元餘去之二千歲此道今何如  
乾君倦于老家事當誰傳豈無一索者庶幾不可言  
大明出乎震繼照行中天坎者離之對內助稱其賢  
主器必長子故遣司春元所配非少女生育何由蕃  
震移艮斯代兌去巽以遷乾居少陽位坤退西南偏  
如何反對者次序乃不然連山既首艮歸藏亦坤乾  
安知後天位不在文王前

吾觀七廟制乃與後天會易中有太極生此覆與載  
巍然正東向太祖取諸兌三昭與三穆以次各相配  
乾坤具純體天地交乃泰美哉文武功世室莫敢廢  
坎離得中道水火本相逮親盡或以祧功成則身退  
民者震之反巽者震之退親親故近東尊尊故居外  
震為孝曾孫主祭祭如在至如宗有德于以昭後代  
十六三十二不在七世內若以後天求位次必有礙  
設位固面東三廟必依背所以都宮成太廟乃居北  
先天即後天體用不相悖四時祫之小三年祫之大  
悉陳祧廟主于以盡敬愛由八而八之三畫加一倍

又如祖自出天造方草昧太極本無極無廟禘於太  
我思古人心萬世宜永賴禘法非不知夫子有深誨

雲林一閒

方時舉

名樸  
本傳

大道本無爲至人樂幽閒所以出世士適性雲林間  
微颺度好雨白雲在林端我牧笛已長日長但高眠  
澹然已忘我安知道爲玄茫茫大塊間汨汨蟻磨旋  
蠢蠢各有役營營良足憐乃知物外貴如如真始全  
白雲諒匪遠矯首長悁悁

感寓

前人

蕭蕭北風涼檄檄木葉下獨客耿無寐披衣坐長夜

孰臬鳴喬林聞鼠穴虛瓦而我胡不歸飄飄在中野  
昔別暑載途霜露忽飛洒豈不懷故居四郊尚戎馬  
世無傳介子冠蓋混夷夏匪忘濟時志鬱鬱不得寫  
棄置勿復言吞聲淚如瀉

真率會

劉性存

洪武中以薦  
爲南海知縣

炎靈運玄化衣冠集芳辰皤皤斯達尊濟濟凡七人  
琴瑟既在御豆登亦復陳旨酒式燕樂大美薄肥珍  
登歌間行葦稱觴壽千春德將諒無醉既醉不失真  
陶然宇宙間螭菌馬足論光風泛蘭蕙好鳥鳴及晨  
江漢日云遠道義日益親覽圖百載下安得風再淳

願言繼遺響遙睇洛水濱

方士志耕隱

郭維貞

名完  
見本傳

雨衣製青荷雨笠編新篳斯人沮弱流  
晏猶耕作今年擬有秋烹羊祭先穡招我  
食力徒斗酒聊取樂酣歌擊瓦盆昨晚牛  
生憤

古洞閒雲

林長楸

見本傳

崖傾人跡少谷轉蘿薜深古洞俯林藪  
白雲生夕陰起伏變萬態出岫寧有心  
其間棲遯者相與忘升沉采芳侶馴鹿  
跏趺對鳴禽何當馭格澤日夕同招尋

文峰春曉

林岫

見本傳

群鴉報天曙春色開林落光塵透竹窓山影疏簾箔  
葉露滴猶響花光照經閣殿宇正幢隴金碧明丹雘  
金臺七夕陪曾侍講子啓彭修撰汝器諸公宴

集分韻得斗字

林珪

附見林  
宗傳

池館迎早秋蕭條宿雨後涼聲落高梧灝氣淡疎柳  
雲歛河漢清迢迢望牛斗離思不可攄況茲感物候  
幸接心所懽惜無樽中酒於焉寫幽素我琴時再奏  
杳杳烟際鴻沉沉禁中漏零零遂盈襟坐來亦已久  
襄徊未成寐殘月在西牖

秋江別意送林廷著應舉

林文 見本傳



湛湛長江水上楓樹林風高木葉下天寒江水深  
美人戒晨發祖餞江之南一觴未及盡青驪逝駸駸  
慷慨一爲別惻愴傷我心君材富詞藻琅玕間球琳  
積久發必舒物理固相仍請看高飛鳳寥寥守孤岑  
陽鳥展其翅大振瑤華音

和燕歌行

方熙

見本傳

四座且勿飲聽我爲君歌生來少讀書自負膽氣多  
逢人好陵轢安能守謙和朝廷募死士奮身赴交河  
筋力盡鞍甲歲月竟蹉跎羊腸九折坂險阻常經過  
雖云身不遇幸不嬰禍羅劒脫贈知己囊空賈秦娥

窮老守顏舍時乎將奈何

古別離

前人

愁心將何聊撫我孤桐琴絲桐感人情絃急無好音  
拂衣起嘆息逍遙獨行吟遠望別離處江空烟水深  
冬日遊覽

前人

咸陽城東門風景光奪目遠嶂開青蓮原田滿阡陸  
邯鄲屬清渭驛路通函谷百貨集舟車曠野多樵牧  
康莊平若砥車馬相馳逐金轡遊俠兒華簪皆世祿  
何事茂陵人臥病衡門宿

送謝文祥御史謫南陵丞

彭韶 見本傳

零露一以墜原野生微涼金風轉蕭索四壁吟虫蛩  
夜長不能寐攬衣起徬徨仰視天宇濶素月揚輝光  
奄忽浮雲馳肅肅鴈南翔一啄諒易謀豈不足稻粱  
窮海累臣書藉爾遠見將羽毛尚摧落愴惻未能忘  
云胡抱孤影悠悠岐路長願言隨陽歸以慰朝夕望

送邦紀弟赴通州學正

柯潛 見本傳

旭日耀層漢輕風吹碧漪行程渺何許征馬馬可羈  
常時送歸客中懷亦淒其況此骨肉親胡能不傷悲  
強持一尊酒爲汝陳諷規去去登泮學冠裳肅威儀  
展席坐清晝橫經講軒義梁肉何足嗜飲水足忘飢

勗哉崇令德庶以慰我思

送別顧大尹

陳鉞 見本傳

南國有佳人早歲事機杼織成雲錦章間以鸞鳳侶  
自從嫁夫婿流落向西土西土多樓居綺窓映深戶  
歌舞當踞衢夜飲不知曙而我長廊下白日自操杵  
西風吹芙蓉澹然傍洲渚有姝美清揚乃是名家女  
相見合心素解佩以相與情意正綢繆驪歌動閨宇  
仰觀西流景滔滔水東注人生如風萍一散寧復聚  
車轄鳴間關欲訴情靦縷去去終離別鬱鬱傷懷緒  
願身化飛鴻遠送凌霄羽

感興四首

周瑛

見本傳

有客學舞劍自謂術通神  
雷霆薄宇宙雙龍飛繞身  
我亦有劍術未敢輕告人  
詘信隨陰陽指顧天地春  
提瓶去汲井為君解宿醒  
不意綆中斷瓶墜不能升  
君恩手中綆妾身井底瓶  
相望不相即此心誰能明  
青天尚有涯滄海尚有底  
云胡人心微倏忽渺千里  
人心不在遠祇在腔子裏  
夜半靈臺虛默默看元始  
持刀斫月明明何曾斷  
縛帚樹影樹影依前滿  
人皆惡樹影礙此月明多  
樹根苟不拔其如月明何

寓意

鄭瑗

見本傳

我有徑尺璧，蘊質自崑岡。拂拭見光彩，皎潔如截肪。  
玉人試磐錯，製為琚與璜。珍愛不忍佩，什襲藏諸筐。  
攜之宦南北，道路阻且長。筐中忽悲鳴，啓視化爲蜚。  
俵俵獨不見，鬱鬱意難忘。

凝古用韋蘇州韻

林俊

附見林圭傳

出門有所適，駢車長林端。蒺藜翳古道，盤跚阻且艱。  
綠陰下啼鳥，夕陽在空山。有酒不得將，芳賞良獨難。  
抱飢坐孤石，流雲渺無迹。谷泉迤暗聲，荔逕稍棲息。  
緬懷千古心，僅此一問易。迴策州人語，虛堂海月白。  
鄒孟世不作，魯風日頽靡。荀揚後文軸，法璜與戚矣。

董生闔門戶昌黎亦後齒卓哉元晦翁大成集諸子  
扶輿夙有鍾混沌良未死

南莊別野

前人

塵事日窈冥鳬山趣還好漁歌錯昏晝沙石淨如掃  
舫舟散素襟文字時探討寢迹衡茆下生計亦草草  
愧乏東平瓜獨有安邑棗開春理薄田即事起常早  
寨樓村烟夕滄海白浩浩好爵不自縈名聲此中老

和蘇子卿效體寄守溪元老 前人

役役歲云暮俛仰時徘徊長鴻何冥冥失侶難因依  
和鳴豈不念知音良獨乖撫樹動遙感秋至無好懷

繁華變蕭索時過寧不悲野陰日西夕寒蛩送餘哀  
不見盛年好祇見容顏摧試問東逝流到海何時歸  
洞庭今夜月一觴爲誰揮願附雙長翼吳山來去飛

蕭陽文獻卷之二終